

Broj: 228-4/19

Datum: 15.01.2019. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 228-2/19 od 09.01.2019. godine, u postupku javne nabavke **roba – Dijagnostička sredstva za hematologiju, koagulaciju i imunohemiju**, direktor Javne ustanove Opća bolnica „Prim. dr. Abdulah Nakaš“, je donio

### **ODLUKU** **o izboru najpovoljnijeg ponuđača**

#### **Član 1.**

**Prihvata se Preporuka Komisije za nabavku, broj: 228-2/19 od 09.01.2019. godine i Ugovor za javnu nabavku roba – Dijagnostička sredstva za hematologiju, koagulaciju i imunohemiju po lotovima:**

- 1. LOT 1 – MEDICINSKA BIOHEMIJA - Reagensi i potrošni materijal za četverokanalni koagulometar COAGULYZER-4, dodjeljuje se ponuđaču „BERG“ d.o.o. Sarajevo, ponuda br. P-PON-18-0183, dostavljena dana 06.12.2018. godine, za ponuđenu cijenu od 20.989,00 KM (bez PDV-a), kao najpovoljnijem ponuđaču.**
- 2. LOT 2 – MEDICINSKA BIOHEMIJA - Reagensi i potrošni materijal za imunohemijski analizator VITROS ECiQu, dodjeljuje se ponuđaču „MEDICHEM“ d.o.o. Sarajevo, ponuda br. 40-11/2018, dostavljena dana 10.12.2018. godine, za ponuđenu cijenu od 100.859,40 KM (bez PDV-a), kao najpovoljnijem ponuđaču**

#### **Član 2.**

Postupak iz člana 1. ove Odluke proveden je metodom „otvoreni postupak“, te je nakon otvaranja ponuda trebala biti provedena „E-aukcija“, a za izbor najpovoljnijeg ponuđača korišten je kriterij „najniža cijena“.

Ugovorni organ je u tenderskoj dokumentaciji predvidio provođenje E-aukcije.

#### **Član 3.**

U postupku nabavke iz člana 1. ove Odluke zaprimljena je ukupno 1 (jedna) kvalifikovana ponuda po lotovima i to:

1. LOT 1 – 1 (jedan) kvalifikovani ponuđač – BERG d.o.o. Sarajevo
2. LOT 2 – 1 (jedan) kvalifikovani ponuđač – MEDICHEM d.o.o. Sarajevo

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

U postupku nabavke iz člana 1. ove Odluke zaprimljene su dvije nekvalifikovane ponude ponuđača po lotovima:

1. LOT 1 – 1 (jedan) nekvalifikovani ponuđač – MES d.o.o. Zenica
2. LOT 2 – 1 (jedan) nekvalifikovani ponuđač – SARAJEVO-FARM d.o.o. Sarajevo.

#### **Član 4.**

Izabrani ponuđači se oslobađaju dostavljanja originala ili ovjerenih kopija dokumentacije iz člana 45. i 47. Zakona o javnim nabavkama, jer su navedenu dokumentaciju dostavili uz Izjave tj. ponudu.

#### **Član 5.**

Prijedlog Ugovora o nabavci dostaviće se na potpis izabranim ponuđačima nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

#### **Član 6.**

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

#### **Član 7.**

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

#### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: **10017-2/18 od 20.11.2018. godine.**

Javna nabavka je sprovedena **putem otvorenog postupka.**

Procijenjena vrijednost javne nabavke bez PDV-a je **123.000,00 KM** na godišnjem nivou odnosno **246.000,00 KM** na dvogodišnjem nivou.

Obavještenje o nabavci broj: 1125-1-1-431-3-168/18, poslato je na objavljivanje dana **23.11.2018. godine**, a objavljeno je na Portalu javnih nabavki dana **23.11.2018. godine**, sažetak obavještenja o nabavci objavljen je u Sl. Glasniku BiH broj: **84/18 od 30.11.2018. godine.**

Komisija za nabavku, imenovana je Rješenjem broj: **10017-3/18 od 20.11.2018. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **228/19 od 09.01.2019. godine**, Preporuku o izboru najpovoljnijeg ponuđača za lot 1 i lot 2 broj: **228-2/19 od 09.01.2019. godine** i Izvještaj o radu broj: **228-3/19 od 10.01.2019. godine**, u postupku javne nabavke roba – **Dijagnostička sredstva za hematologiju, koagulaciju i imunohemiju.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 4 ponuda,
- da su blagovremeno primljene 4 ponude,
- da nije bilo neblagovremeno primljenih ponuda,

- da je ponuda ponuđača „**BERG**“ d.o.o. Sarajevo, kvalifikovana i prihvatljiva za lot 1, dostavljeni su svi traženi dokazi propisani tenderskom dokumentacijom, na propisan način,

- da je ponuda ponuđača „**MEDICHEM**“ d.o.o. Sarajevo, kvalifikovana i prihvatljiva za lot 2, dostavljeni su svi traženi dokazi propisani tenderskom dokumentacijom, na propisan način,

- da ponude ponuđača „**MES**“ d.o.o. Zenica i „**SARAJEVO-FARM**“ d.o.o. Sarajevo nisu kvalifikovane niti prihvatljive iz sljedećih razloga:

1. Komisija za predmetnu nabavku je dana 31.12.2018. godine uputila ponuđaču MES d.o.o. Zenica Zahtjev za pojašnjenje neprirodno niske ponudene cijene i dostavu uzoraka za LOT 1 broj 11586/18. Ponuđač MES d.o.o. Zenica do određenog krajnjeg roka nije dostavio pojašnjenje neprirodno niske ponudene cijene niti je dostavio tražene uzorke za LOT 1.

Imajući u vidu prednje navedeno, odbacuje se ponuda ponuđača MES d.o.o. Zenica za LOT 1 se odbacuje u skladu sa članom 68. stav (4) tačka i) Zakona o javnim nabavkama.

2. Uvidom u ponudu ponuđača SARAJEVO-FARM d.o.o. Sarajevo za LOT 2, Komisija za predmetnu nabavku konstatuje sljedeće:

- u obrascu za cijenu ponude na stranama 3. i 5. svoje ponude za LOT 2 navedeni ponuđač je ponudio 3 (tri) stavke od zahtjevanih 12 (dvanaest)

- na strani 7. svoje ponude za LOT 2, navedeni ponuđač je dostavio Izjavu o ponudi za LOT 2 u kojoj je naveo da njegova ponuda za predmetni LOT ne sadrži reagense i potrošni materijal za imunohemijski analizator VITROS EciQ kako je

traženo u tenderskoj dokumentaciji, već reagense i potrošni materijal za aparat MINI VIDAS

Imajući u vidu prednje navedeno, odbacuje se ponuda ponuđača SARAJEVO-FARM d.o.o. Sarajevo za LOT 2 se odbacuje u skladu sa članom 68. stav (4) tačka i) Zakona o javnim nabavkama.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da su izabrani ponuđači najbolje ocijenjeni zbog:

#### Najniže cijene

- **Naziv ponuđača čija je ponuda ocijenjena kao najpovoljnija:**

LOT 1 – MEDICINSKA BIOHEMIJA - Reagensi i potrošni materijal za četverokanalni koagulometar COAGULYZER-4

1.	<b>Naziv ponuđača</b>	<b>Ponuđač „BERG“ d.o.o. Sarajevo</b>
2.	Sjedište i adresa	<b>Ul. Grbavička broj 7/a, 71000 Sarajevo</b>
3.	Ukupna cijena ponude bez PDV-a	<b>20.989,00 KM</b>
4.	Podaci o dijelu ugovora koji se daje u podugovor i podaci o podizvođaču, ako je primjenjivo	<b>Ponuđač ne namjerava sklapati podugovor sa trećom stranom</b>

LOT 2 – MEDICINSKA BIOHEMIJA - Reagensi i potrošni materijal za imunohemijski analizator VITROS ECIQu

1.	<b>Naziv ponuđača</b>	<b>Ponudač „MEDICHEM“ d.o.o. Sarajevo</b>
2.	Sjedište i adresa	<b>Ul. Bugojanska broj 12, 71000 Sarajevo</b>
3.	Ukupna cijena ponude bez PDV-a	<b>100.859,40 KM</b>
4.	Podaci o dijelu ugovora koji se daje u podugovor i podaci o podizvođaču, ako je primjenjivo	<b>Ponudač ne namjerava sklapati podugovor sa trećom stranom</b>

Iz navedenih razloga, primjenom člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.**

Žalba se podnosi u najmanje 3 (tri) primjeka.



**DIREKTOR**  
Prim. dr. Zlatko Kravić

**Dostaviti:**

- Ponudaču: BERG d.o.o. Sarajevo
- Ponudaču: MEDICHEM d.o.o. Sarajevo
- Ponudaču: MES d.o.o. Zenica
- Ponudaču: SARAJEVO-FARM d.o.o. Sarajevo
- Odjeljenje za ekonomsko-finansijske poslove
- Odsjek za javne nabavke
- Komisiji za javne nabavke
- a/a.